

a1^v

Vorred.

Doctor Murner zů fynen
hōrerem.

ES wurd̄t eyn yedes ding gefchetzet eer
würdigem/ hochgelōrtem/ wyfen mēner
vnd ftudentem/ deft achtberlicher/ fo es
vnder gūten lūtē gehādlet wurd̄t. So
nun ich vergangenem sumer vff eyn
gelōrt ſchieffen mit der inftituten ver-
glichen zů eūch vō eren wegen kumen byn/ vnd myn
inftitut declarieret/ von etlichen erbettē wardt/ folch in-
ftitutē zů verdalmetſchē/ etlich vermeyntē das folches
nit mūglich were vß filem dar gethonē vrfachen/ die ich
ietz belyben laß/ folchs vō mir vnderftandē ift/ vō euch
gehōret/ vnd approbieret/ ift myr zů letft gefallen/ mēg-
lichen zů gūtem/ vnd zů einer ynwyfung der keyferlichen
rechten/ folch myn verdütfchen an tag laffen kumen/
vnd durch eyn druck vß zů deylem/ dar an ich myner
achtung eyn gūt vñ lōblich werck gethon hab/ kunft fo
mit got verlihen vß wercken der barmhertzigkeyt mitt
gedeylet. Darūb entpfohendt folch vnfer verdalmet-
ſchen vnd diffe groffen arbeit/ findt der maffen danck-
par das ir myn zůn eren durch got gedencken/ dz ūwer
gott ietz vnd in yener welt zůn eren nit vergeffe/ do mit
findt gott beuolhen.

a2^r

SO mācherley ift mēfchlich wandel
 Vñ falt vnß zû fo mancher hādel
 D3 niemāt mōcht byeināder lebē
 Wo nit wurd rechtlich vrteil ge
 Zwifchen aller mēfchē gefchlecht (ben.
 Darumb befchriben findt die recht
 Von bāpfen/ keyfern von in beyden
 Das niemās fol den andren beleiden
 Rechtlich/ frydfam leben fol
 Des findt nun beyde recht vol
 Doch mit folcher hōch befchriben
 Biß her fo vnuerftendig bliben
 Das kaum den glerten ift bekant
 Was intituten vff jn handt
 Biß es zû letft dar zû ift kommen
 Sy alfo fliffig fürhar gnommen
 Vßgelegt vnd declariert
 Auch allen richtern zû gefiert
 Die vernunft fich bruchen fōllen
 Vnd gmeinen man regieren wōllen
 Die lügen zû vnd nemen war
 Das fy in vrteiln nit verfarn
 Ein forgklich ding ift zû erkennen
 Dem einen gen/ dem andern nemmē
 Darumb lûg zû vnd hab gût acht
 Diß bûchlin ift dir deutfch gemacht
 Des fich ein yeder behelffen mag
 Jn allen hendlen alle tag
 Ein yeder richter ift mein bitt
 Les das mit fliß er felet nit. a ij